



დაფარული ცოდნის გასაღები ხუთია

გადმოცემულია იბნ უმარისგან (აღლაჰი იყოს მათით კმაყოფილი), რომ აღლაჰის შუამავალმა (აღლაჰის ღოცვა და მშვიდობა მას) თქვა: «დაფარული ცოდნის გასაღები ხუთია, {მხოლოდ აღლაჰის წიაღშია საათის ცოდნა. და ავლენს წვიმას და იცის რა არის საშვილოსნოში. არცერთმა სულიერმა არ იცის, რას მოიხვეჭს ხვალ და არცერთმა სულიერმა არ იცის რომელ მიწაზე მოკვდება. ჭეშმარიტად, აღლაჰი ყოვლისმცოდნე, ყველაფრისმცოდნეა}»

[სანდო (საჰიბ)] [გადმოსცა ალ-ბუხარიმ]

დაფარულის ცოდნა მხოლოდ აღლაჰთანაა, არავინ იცის მის გარდა, გვამცნო შუამავალმა (აღლაჰის ღოცვა და მშვიდობა მას), რომ დაფარულის გასაღები და მისი საცავები ხუთია: პირველი: არავინ იცის როდის იქნება განკითხვის საათი, გარდა აღლაჰისა, ეს მიუთითებს იმქვეყნიურ საქმეებზე, მათგან პირველი წარღვნაა, როდესაც უახლოესის ცოდნა გამორიცხულია (სხვებისთვის) მას შემდეგ არსებულის ცოდნა არავისთანაა. მეორე: არავინ იცის როდის განვიმდება, გარდა აღლაჰისა, ეს მიუთითებს ზეციურ საქმეებზე, გამოკვეთილია წვიმა, მასთან ერთად რომ მას გააჩნია მიზეზები, რომელიც მიუთითებს მის წარმოქმნაზე, მაგრამ ზუსტი ცოდნის და დასტურის გარეშე. მესამე: ის, რაც საშვილოსნოშია — იქნება ეს მამაკაცი თუ ქალი, შავი თუ თეთრი, სრულყოფილი თუ ნაკლიანი, უბედური თუ ბედნიერი და მსგავსები. საშვილოსნოს ხსენება მოხდა იმიტომ, რომ უმეტესობა ადამიანებისა ამას ჩვეულების (გამოცდილების) მიხედვით განიკითხავს. მიუხედავად ამისა, აღლაჰმა უარყო ვინმეს შესაძლებლობა, რომ მისი რეალური არსი იცოდეს; ხოლო თუ ეს შეუძლებელია, მაშინ მით უმეტეს — დანარჩენის ცოდნა. მეოთხე: ხვალ რა მოხდება, მხოლოდ აღლაჰმა უნყის. ამით აღნიშნულია დროის ყველა სახეობა და ის მოვლენები, რომლებიც მასში ხდება. გამოყენებულია სიტყვა „ხვალ“, რადგან იგი არის ყველაზე ახლო დრო. და თუ მისი სიახლოვის მიუხედავად შეუძლებელია იმის ზუსტი ცოდნა, რაც მასში მოხდება—ნიშნებისა და მინიშნებების არსებობის შემთხვევაში—მით უმეტეს შეუძლებელია იმის ცოდნა, რაც უფრო შორსაა. მეხუთე: არცერთმა სულმა არ უნყის თუ რომელ მიწაზე მოკვდება, ეს მიუთითებს მიწიერ საქმეებზე, ამავედროულად ზოგადად ყველა ადამიანი საკუთარ ქვეყანაში კვდება, მაგრამ ეს არ არის ჭეშმარიტება, პირიქით, თავის ქვეყანაშიც რომ მოკვდეს, მან არ იცის მიწის რომელ ნაკვეთში დაკრძალავენ, თუნდაც არსებობდეს მისი წინაპრების სასაფლაო, {ჭეშმარიტად, აღლაჰი ყოვლისმცოდნე, ყველაფრისმცოდნეა!}, მოიცავს ყველა აშკარას, დაფარულს, მალულს, ღიას და საიდუმლოს, ეს აიათი აერთიანებს ყველა დაფარულის ფორმებს, მან გაანადგურა ყველა მცდარი მოწოდება (დაფარულის ცოდნის შესახებ).

النجاة الخيرية
ALNAJAT CHARITY

